



Припремена заједничка комисија оба дома Парламентарне скупштине БиХ за спровођење процедуре за именовање два представника академске заједнице и једног представника невладиног сектора у Комисију за избор и праћење рада Агенције за превенцију корупције и координацију борбе против корупције

Privremena zajednička komisija oba doma Parlamentarne skupštine BiH za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije

Privremeno zajedničko povjerenstvo obaju domova Parlamentarne skupštine BiH za provođenje procedure imenovanja dva predstavnika akademske zajednice i jednog predstavnika nevladinog sektora u Povjerenstvo za izbor i praćenje rada Agencije za prevenciju korupcije i koordinaciju borbe protiv korupcije

Broj: 01,02-50-16-157-6,5/21

Sarajevo, 17. 3. 2021.

17 -03- 2021

## PARLAMENTARNA SKUPŠTINA BOSNE I HERCEGOVINE

### PREDSTAVNIČKOM DOMU

### DOMU NARODA

Na osnovu člana 56. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), člana 46. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), čl. 17, 17a. i 17b. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13) i Zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije („Službeni glasnik BiH“, broj 66/20), Privremena zajednička komisija oba doma Parlamentarne skupštine BiH za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije na 6. sjednici, održanoj 17. 3. 2021, usvojila je, te Predstavničkom domu i Domu naroda Parlamentarne skupštine Bosne i Hercegovine podnosi

# **I Z V J E Š T A J**

## **o utvrđivanju rang-liste uspješnih kandidata za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije**

### **I. Imenovanje članova Privremene zajedničke komisije oba doma Parlamentarne skupštine BiH za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije**

Parlamentarna skupština BiH je na 12. sjednici Doma naroda, održanoj 8. oktobra 2020, i na 13. sjednici Predstavničkog doma, održanoj 14. oktobra 2020, donijela zaključak o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Privremena zajednička komisija).

Zadatak Privremene zajedničke komisije je da, u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), Zakonom o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), provede konkursnu proceduru za članove Komisije za izbor i praćenje rada Agencije za prevenciju korupcije i koordinaciju borbe protiv korupcije (oglašavanje, intervju, sastavljanje liste uspješnih kandidata i predlaganje domovima Parlamentarne skupštine BiH kandidata za imenovanje).

Zaključkom Parlamentarne skupštine BiH („Službeni glasnik BiH“, broj 66/20 od 20. 10. 2020) u Privremenu zajedničku komisiju imenovani su: Predrag Kožul, Safet Softić, Jakov Galić (iz Predstavničkog doma), Sredoje Nović, Bariša Čolak i Amir Fazlić (iz Doma naroda).

Privremena zajednička komisija provela je procedure izbora kandidata za imenovanje dva predstavnika akademske zajednice i jednog predstavnika nevladinog sektora za članove

Komisije za izbor i praćenje rada Agencije za prevenciju korupcije i koordinaciju borbe protiv korupcije.

## **II. Hronologija rada Privremene zajedničke komisije**

Kako bi realizirala postavljene zadatke, Privremena zajednička komisija održala je šest sjednica.

Konstituirajuća sjednica održana je 20. 10. 2020. Članovi Privremene zajedničke komisije jednoglasno su za predsjedavajućeg izabrali Sredoja Novića, za prvog zamjenika predsjedavajućeg Predraga Kožula, a za drugog zamjenika predsjedavajućeg Safeta Soflića.

Privremena zajednička komisija je, postupajući u skladu sa svojim nadležnostima, na 2. sjednici, održanoj 29. 10. 2020, usvojila Poslovnik o radu. Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju s kandidatima, kriteriji i postupak bodovanja kao i utvrđivanje liste uspješnih kandidata, te druga pitanja.

Na osnovu zakonskih i odredbi Poslovnika, Privremena zajednička komisija je na istoj sjednici donijela Odluku o objavljivanju Javnog konkursa radi provođenja procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije.

Javni konkurs objavljen je u „Službenom glasniku BiH”, broj 74/20 od 17. 11. 2020, na veb-stranici Parlamentarne skupštine BiH, u „Službenom glasniku Brčko Distrikta BiH”, broj 44/20 od 27. 11. 2020. Obavještenje o Javnom konkursu objavljeno je 18. 11. 2020. u dnevnim listovima: „Dnevni avaz”, „Glas Srpske“ i „Večernji list“. Javni konkurs bio je otvoren 15 dana od dana objavljivanja u „Službenom glasniku BiH“. Rok za podnošenje prijave bio je (zaključno) 2. 12. 2020.

Privremena zajednička komisija je na 3. sjednici, održanoj 25. 1. 2021, u skladu s Poslovnikom o radu i uslovima konkursa, provjerila blagovremenost, valjanost i potpunost pristiglih prijava na javni konkurs.

Privremena zajednička komisija konstatirala je da se na Javni konkurs prijavilo sedam kandidata. Detaljnim uvidom u svaku prijavu pojedinačno, kako bi se provjerilo jesu li kandidati dostavili tražene dokumente u skladu s općim i posebnim uslovima konkursa, Privremena zajednička komisija jednoglasno je utvrdila da svih sedam kandidata ispunjava tražene uslove: Marijana Kapović-Solomun, Maja Letica, Bakir Mehić, Gordan Radić, Zlatko Brkić, Anes Ličina i Ivan Ćubela.

Privremena zajednička komisija je, u skladu s članom 12. Poslovnika o radu, svih sedam kandidata pozvala na intervju. O datumu, vremenu i mjestu održavanja intervjua kandidati su pisanim dopisom uredno obaviješteni.

Privremena zajednička komisija je na 4. sjednici, održanoj 11. 2. 2021, donijela Odluku o ponovnom raspisivanju Javnog konkursa za provođenje procedure za imenovanje tri člana u Komisiju za izbor i praćenje rada Agencije za prevenciju korupcije i koordinaciju borbe protiv korupcije - dva predstavnika akademske zajednice i jednog predstavnika nevladinog sektora u skladu s članom 8. stav (7) i članom 14. stav (2) Poslovnika o radu Privremene zajedničke komisije.

Ponovni Javni konkurs objavljen je u „Službenom glasniku BiH”, broj 10/21 od 16. 2. 2021, na veb-stranici Parlamentarne skupštine BiH, u „Službenom glasniku Brčko Distrikta BiH”, broj 2/21 od 26. 2. 2021. Obavještenje o Javnom konkursu objavljeno je 17. 2. 2021. u dnevnim listovima: „Dnevni avaz“, „Glas Srpske“ i „Večernji list“. Javni konkurs bio je otvoren 15 dana od dana objavljivanja u „Službenom glasniku BiH“. Rok za podnošenje prijave bio je (zaključno) 3. 3. 2021.

Privremena zajednička komisija je na 5. sjednici, održanoj 10. 3. 2021, u skladu s Poslovníkom o radu i uslovima konkursa, provjerila blagovremenost, valjanost i potpunost prijave pristiglih na ponovni javni konkurs.

Privremena zajednička komisija konstatirala je da se na ponovni Javni konkurs prijavilo pet kandidata. Detaljnim uvidom u svaku prijavu pojedinačno, kako bi se provjerilo jesu li kandidati dostavili tražene dokumente u skladu s općim i posebnim uslovima konkursa, Privremena zajednička komisija jednoglasno je utvrdila da svih pet kandidata ispunjava tražene uslove: Amina Hadžibegić Bicciano, Ermin Redžić, Indira Čehić, Darko Radić i Goran Orašanin.

O datumu, vremenu i mjestu održavanja intervjua kandidati su pisanim dopisom uredno obaviješteni.

Privremena zajednička komisija je na 6. sjednici, održanoj 17.3.2021, obavila intervju s pozvanim kandidatima.

Intervjuu se odazvalo devet kandidata - šest kandidata za predstavnika akademske zajednice i četiri kandidata za predstavnika nevladinog sektora.

Tri kandidata odustala su od intervjua.

Cilj intervjua bio je da se utvrdi stručnost i osposobljenost kandidata za obavljanje traženih zadataka. Pitanja na intervjuu odnosila su se na provjeru podataka iz biografije, pojašnjenje u vezi sa ispunjavanjem uslova javnog konkursa, posebnim stručnim zvanjima, vještinama i ostvarenim rezultatima, priznanjima i iskustvima iz oblasti prevencije i borbe protiv korupcije, te pitanja iz nadležnosti rada Komisije za izbor i praćenje rada Agencije za prevenciju korupcije i koordinaciju borbe protiv korupcije i Zakona o Agenciji za prevenciju korupcije i koordinaciju borbe protiv korupcije.

Privremena zajednička komisija je, u skladu s Poslovníkom o radu, utvrdila tipski obrazac za ocjenjivanje kandidata, koji su nakon intervjua popunili članovi Privremene zajedničke komisije. U skladu s članom 13. Poslovníka u radu, ocjene članova Privremene zajedničke komisije za svakog kandidata sabirale su se pojedinačno i dijelile s brojem članova prisutnih intervjuu.

### III. Utvrđivanje rang-liste uspješnih kandidata

Privremena zajednička komisija je na 6. sjednici, održanoj 17. 3. 2021, u skladu s Poslovníkom o radu Privremene zajedničke komisije, nakon bodovanja kandidata i dobivanja ocjena za sve kandidate koji su pristupili intervjuu, sastavila rang-listu uspješnih kandidata, kako slijedi:

- a) za imenovanje dva predstavnika akademske zajednice za člana Komisije za izbor i praćenje rada Agencije za prevenciju korupcije i koordinaciju borbe protiv korupcije

Redni broj	Kandidat	Broj bodova
1.	Amina Hadžibegić Bicciano	45
2.	Darko Radić	45
3.	Maja Letica	40.6
4.	Gordan Radić	39.6
5.	Indira Čehić	38.4
6.	Goran Orašanin	38

- b) za imenovanje jednog predstavnika nevladinog sektora za člana Komisije za izbor i praćenje rada Agencije za prevenciju korupcije i koordinaciju borbe protiv korupcije

Redni broj	Kandidat	Broj bodova
1.	Ivan Čubela	46
2.	Anes Ličina	41
3.	Ermin Redžić	39.4
4.	Indira Čehić	39

Privremena zajednička komisija je na 6. sjednici jednoglasno utvrdila i predložila Predstavničkom domu i Domu naroda Parlamentarne skupštine BiH

- a) **PRIJEDLOG KANDIDATA ZA IMENOVANJE DVA PREDSTAVNIKA AKADEMSKE ZAJEDNICE ZA ČLANA KOMISIJE ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE**

Redni broj	Kandidat	Broj bodova
1.	Amina Hadžibegić Bicciato	45
2.	Darko Radić	45

- b) **PRIJEDLOG KANDIDATA ZA IMENOVANJE JEDNOG PREDSTAVNIKA NEVLADINOG SEKTORA ZA ČLANA KOMISIJE ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE**

Redni broj	Kandidat	Broj bodova
1.	Ivan Čubela	46

U skladu sa zakonskim i poslovničkim odredbama, Privremena zajednička komisija dostavlja rang-liste uspješnih kandidata za imenovanje dva predstavnika akademske zajednice i jednog

predstavnik nevladinog sektora za članove Komisije za izbor i praćenje rada Agencije za prevenciju korupcije i koordinaciju borbe protiv korupcije Predstavničkom domu i Domu naroda Parlamentarne skupštine BiH u daljnju proceduru.

Za izvjestioce o radu o ovom izvještaju Privremene zajedničke komisije na sjednicama domova Parlamentarne skupštine BiH određeni su:

- iz Predstavničkog doma – Safet Softić, drugi zamjenik predsjedavajućeg Privremene zajedničke komisije,
- iz Doma naroda - Sredoje Nović, predsjedavajući Privremene zajedničke komisije.

Predsjedavajući  
Privremene zajedničke komisije  
  
Sredoje Nović



Dostaviti:

- Predstavničkom domu
- Domu naroda
- a/a